

N A D A U

Rebremba'm, aguesti dies, que Diu venguec en miei des òmes hèt un mainatjon; Totun **TOSTEMP EI NADAU.**

-Quan peth maitin mos despertam damb ganes d'estimar es germans; **AQUETH DIA EI NADAU.**

-Quan neishen laguens nòste, ganes de dar era patz as qui mosan ofenut: **AQUETH DIA EI NADAU.**

-Quan deisham de costat es nòsti gusti entà re-joir ath que ei trist: **AQUETH DIA EI NADAU.**

-Quan hèm contents eth nòste mèstier e bastim atau un mond milhor: **AQUETH DIA EI NADAU.**

Per assò **NADAU** non ei solet ua data istorica entà rebrembar, senon un etern "ARA" que cau reviuier.

=====

ES CAPELHANS VOLEM ENTÀ TOTI UN BON NADAU

=====

TAULA DE JOENI: Era primauera passada quedèc un bon rebrembe a força joeni aranesi, que se trapèren en Vielha damb ua representacion de Joeni ristians dera Glèisa d'Urgelh. Per aquerò, en acabasse er an, an volgut repetir aquera esperiència, trapant-se en Bossost, es dies 30 de novene e 1 d'auents. Es joeni aranesi i an prenut ua part mès actiua e demoren poder hèr mès soent aquestes amassades laguens e dehòra dera Val d'Aran, damb joeni des autes comarques, animat tot per Mn. Ramon Balaguer, que s'encoede d'aguesta pastorau des joeni.


25 ANS DE MARIDATGE: Engoan siguec Les, eth pòble qu'acoelhec a 14 matrimonis, eth dia 30 de noveme, ath ser. Celebrauen es noces de plata de maridats. Participèren en ua Missa, en tot renovar, laguens d'era, es sòns compromisi matrimoniaus. Amassa eren un sopar, que metec un tòc d'hèsta en tota era celebracion. Eth Vicari Generau der Evescat, Mn. Ramon Vilardell presidic er acte, que acompanhèren es capelhans dera Val d'Aran e tanben quauques autoritats.

MONTGARRI: Gràcies a ues persones de Salardú, que estimen eth Santuari de Montgarri, s'a sauvat der esbaussament era abadia de Montgarri, bastissa subergessenta. An rehèt eth tet e demoram que es donatius, que mos an demanat, era loteria de Nadau qu'an venut, ajudegue a pagar era grana despena qu'an hèt ara, e ben lèu poguen amiar a bon terme er apariament de tota era casa, entà hèr un servici sociu ath costat deth Santuari. Tanben higem a aguesta naua, que era façana dera glèisa a estat apariada. Toti mos en rejoim.



GAUSAC: Ei entà arregraïr que vesins deth pòble de Gausac volguen meter ath dia es sues campanes; çò que puirie èster ua bèra òbra en toti es nòsti campanaus. Aué non podem mantier campanèrs, mès era electrificacion des capanes pòt hèr que agestes tornequen a bandoar e repicar, hènt a entener eth sòn son, que unís as vesins de cada pòble damb uns madeishi sentiments.

GARÒS: Engoan s'a començat en Garòs un demorat apariament dera glèisa de St. Julià, S'a rehèt eth presbiteri segonès es normes actuaus dera Liturgia. S'a recuperat eth vielh autà romànic, -quaques ues des sues parts eren en diferenti lòcs dera glèisa-. S'a recuperat era capèla deth Sant Cristo, metent ath sòn miei era grana pila de batiar. S'an hèt hiestres naues. Manquen autes òbres: còros, illuminacion, naua imatge deth titular, etc. Demoram des que estimen eth pòble era sua ajuda.



ARRES: Era glèisa de St. Peir d'Arres de Sus, barrada ath culte, dempús 60 ans ei en un estat maumerenc e perilhós. Er Evescat a convengut damb eth pòble, que lo mès dable ei dessè-la, hènt ua plaça en sòn lòc, conservant solet er absida o part de deuant, convertida atau era glèisa en ua petita capèla, que bèth viatge se puirie hèr servir. Era glèisa on totemp se reunissen, juntament as d'Arres de Jos, ei era bastida entre es dus pòbles.

ABADIA DE BETLAN: Totes es parròquies dera Vald'Aran ajuden entà apariar era Casa rectorau de Betlan. Ua idea longament pensada ei a punt d'èster realitat, donques manquen solet ena casa, que er hustèr i metegue hiestres, pòrtes e era escala. Aquesta casa servirà entà quauques reunions o amassades, ath servici dera fe des que formam era Glèisa aranesa. Puirà tanben èster deishada a quaqui uns, que volguen passà-i bèth dia de reflexion e de plegària.

